

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA-SREDNJOBOSANSKI KANTON
KANTONALNO TUŽILAŠTVO/ TUŽITELJSTVO
TRAVNIK

Broj: T06 0 KTK 0024569 22 3

Datum, 20.12.2023.godine,

KANTONALNI SUD NOVI TRAVNIK

Na temelju odredbe člana 45 stav 2 tačka i, člana 241 stav 1 Zakona o krivičnom postupku Federacije Bosne i Hercegovine, podižem

O P T U Ž N I C U

Protiv:

ZEKO IGOR, rođen 1989. godine.

Što je:

Kao odgovorna osoba u Federaciji Bosne i Hercegovine u svojstvu direktora i lica ovlaštenog za zastupanje zatvorenog dioničarskog društva „ELEKTRO GRUPA“ d.d. Gornji Vakuf-Uskoplje sa sjedištem u ulici Vrbaska bb u Gornjem Vakufu-Uskoplju, općina Gornji Vakuf-Uskoplje, koju dužnost je obavljao u periodu od 09.09.2015.godine do 10.10.2018.godine, koje svojstvo je stekao Rješenjem Općinskog suda u Travniku broj: 051-O-Reg-15-00542 od 15.10.2015.godine sa ograničenjem ovlaštenja radnji u okviru registriranih djelatnosti u unutrašnjem i vanjskotrgovinskom poslovanju do iznosa 20.000,00 KM, Rješenjem Općinskog suda u Mostaru broj: Tt-O-115/19 od 14.03.2019.godine upisano je sjedište „ELEKTRO GRUPA“ d.d. u ulici Kneza Branimira broj 2 Mostar, općina Mostar, iskorištavanjem svog službenog položaja ili ovlaštenja, postupanjem suprotno interesima službe, na način da je protivno odredbama člana 108. i 109. Statuta dioničarskog društva „ELEKTRO GRUPA“ d.d. Gornji Vakuf-Uskoplje kojim je propisano da je direktor društva dužan prijaviti nadzornom odboru svaki izravni i neizravni interes o pravnoj osobi sa kojom društvo ima ili namjerava stupiti u poslovni odnos i da bez saglasnosti nadzornog odbora društva ne može obavljati poslove kod konkurentskog društva, protivno člana 2. Odluke o imenovanju direktora „ELEKTRO GRUPE“ d.d. Gornji Vakuf-Uskoplje od 09.09.2015.godine kojim je propisano da je direktor obavezan tražiti saglasnost nadzornog odbora za zaključivanje svih ugovora i poslova u vrijednosti preko 20.000,00 KM i člana 2. Ugovora o obavezama direktora „ELEKTRO GRUPA“ d.d. Gornji Vakuf-Uskoplje od 09.09.2015.godine kojim je propisano da je direktor ovlašten zastupati društvo za obavezivanje društva i zaključenje drugih poslova do iznosa 20.000,00 KM po pojedinom aktu, prekoračenjem granica svoje službene ovlasti sa ciljem da pribavi korist pravnom licu „PALOČ“ d.o.o. Gornji Vakuf-Uskoplje čiji je vlasnik njegov otac A. Z., a nanese štetu dioničarskom društvu „ELEKTRO GRUPA“ d.d. Gornji Vakuf-Uskoplje, što je i htio, dana 01.10.2018.godine kod notara **** u Travniku sa preduzećem „PALOČ“ d.o.o. Gornji Vakuf-Uskoplje koje je u 100%-

om vlasništvu njegovog oca A. Z. zaključio Aneks I pod brojem OPU-IP-1112/2018 od 01.10.2018.godine Ugovora o međusobnim pravima i obavezama broj: OPU-IP-356/12 od 22.03.2012.godine, kojim Aneksom je na preduzeće „PALOČ“ d.o.o. Gornji Vakuf-Uskoplje prenio 33% vlasništva „ELEKTRO GRUPA“ d.d. Gornji Vakuf-Uskoplje na Mini hidroelektrani Voljevac na rijeci Vrbas, općina Gornji Vakuf-Uskoplje u vrijednosti od 2.533.552,47 KM čiji investitor je preduzeće „ELEKTRO GRUPA“ d.d. Gornji Vakuf-Uskoplje, a izvođač radova preduzeće PALOČ d.o.o. Gornji Vakuf-Uskoplje, a da prethodno nije pribavio saglasnost nadzornog odbora i skupštine društva „ELEKTRO GRUPA“ d.d. Gornji Vakuf-Uskoplje, iako je znao i bio svjestan da nije bio ovlašten za zaključivanje ugovora i poslova u vrijednosti preko 20.000,00 KM po pojedinom aktu raspolaganja, što je i htio, na koji način je preduzeću „PALOČ“ d.o.o. Gornji Vakuf-Uskoplje pribavio imovinsku korist u iznosu od 2.533.552,47 KM sa svim pravima koja proističu iz tog aneksa ugovora, a zatim je istog dana 01.10.2018.godine zloupotrijebivši svoja ovlaštenja, sa namjerom da preduzeću „PALOČ“ d.o.o. Gornji Vakuf-Uskoplje omogućiti pribavljanje nepripadajuće imovinske koristi po osnovu ulaznog PDV-a u iznosu od 368.123,01 KM, ispostavio račun broj 1-9/2018 na kupca preduzeće „PALOČ“ d.o.o. Gornji Vakuf-Uskoplje na iznos prenesenih udjela imovine u vlasništvu pravnog lica „ELEKTRO GRUPA“ d.d. Gornji Vakuf-Uskoplje u iznosu od 2.533.552,47 KM, a što je protivno odredbama člana 7. stav 2. Zakona o porezu na dodanu vrijednost BiH (Sl. Glasnik BiH broj 9/05, 35/05, 100/08, 33/17, 46/23 i 80/23) kojim je propisano da se ne smatra prometom dijela ili cjelokupne imovine koja tvori zaseban poslovni subjekat i člana 25. stav 4. tačka d) kojim je propisano da je promet udjelima oslobođen plaćanja poreza na dodanu vrijednost, na koji način je nanio štetu preduzeću „ELEKTRO GRUPA“ d.d. Gornji Vakuf-Uskoplje tako što je uvećao obavezu za obračunati izlazni PDV u iznosu od 368.123,01 KM, a nakon toga zloupotrebom ovlaštenja, što je i htio, dana 09.11.2018.godine, iako mu je bilo poznato da je razriješen dužnosti direktora „ELEKTRO GRUPA“ d.d. Gornji Vakuf-Uskoplje sa danom 10.10.2018.godine, podnio PDV prijavu u kojoj je prikazao izlazni PDV u iznosu od 368.123,01 KM za preduzeće „ELEKTRO GRUPA“ d.d. Gornji Vakuf-Uskoplje, a za taj iznos preduzeće „PALOČ“ d.o.o. je prikazalo ulazni PDV kroz podnošenje PDV prijave koji je iskoristio kao PDV kredit za svoje buduće obaveze po osnovu PDV-a, na koji način je u iznosu od 368.123,01 KM preduzeću „PALOČ“ d.o.o. Gornji Vakuf pribavio imovinsku korist.

Dakle, kao odgovorna osoba iskorištavanjem svog službenog položaja ili ovlaštenja prekoračio granice svoje službene ovlasti i drugom pribavio imovinsku korist koja prelazi 50.000,00 KM.

Čime je počinio krivično djelo „Zloupotreba položaja ili ovlašćenja“ iz člana 383. stav 3. u vezi sa stavom 1. KZ F BiH.

Shodno odredbi člana 114. KZ F BiH, u vezi sa članom 417. ZKP-a F BiH od pravnog lica Paloč d.o.o. Gornji Vakuf-Uskoplje oduzeti imovinsku korist pribavljenu krivičnim djelom u iznosu od 368.123,01 KM.

Predlažem da se osumnjičenom Zeko Igoru izrekne sigurnosna mjera zabrana vršenja poziva, aktivnosti ili funkcije iz člana 76. KZ F BiH

KANTONALNA TUŽITELJICA